

聞及他國土餘諸愚聞未有達者皆令因今
說法亦得解悟既得解悟入不退轉無為大
業到長壽處第一勝因難可譬喻於是眾中
稽首禮拜五體投地歡喜踴躍大聲讚嘆是
大不可思議功德無有邊際我今聞說千萬
劫中未有今日一言即於此中無限真人聞
是說已瞻禮金容拜受玉科皆得解悟須臾
之間得不可思議復有無量無邊諸天神王
及諸聖衆從空而來皆欲增蓋道德妙有真
靜無量大神及諸仙衆同時稽首無上正真
微妙要品皆是大梵若有見聞悉皆利益而
況持誦授諸戒法及廣勸衆生均受妙法得
大圓滿具足法性六慾不生三毒皆滅神識
俱清成大通智慧轉轉教入以是功德無有
限量是真教法難盡宣揚而說偈曰

汝等當知 靜有二種 一者有靜 我念精微
常念靜行 二者空靜 思念如海 常念精行
即存守一方得淵源 得究竟靜 盡有歸依
得於諸法 乃可無盡 以諸衆生 本先自證

道德經靈符

玉清境道德經

太上三十六部尊經
玉清境洞玄經上
元陽經
元辰經
大劫經
上開經
內音經

正一天師清微弟子 洪百堅 製作
道教學術資訊網

太上三十六部尊經

玉清境洞玄經上

洞玄經

元陽經

元辰經

大劫經

上開經

內音經 已上六經同卷

玉清境洞玄經第一

至妙妙品無上至真隱奧難明於是諸天同
聲讚嘆上白

天尊請開法要時於座中咸生歡喜無量光
明開悟群品復有無色界天子從彼所來其
名曰皓庭霄度國天帝王子淵通元洞國天
帝王子輪龍妙成國天帝王子秀樂禁上國
天帝王子如是等輩四天王子聞是希有妙
相之事各率國人智男正女同會四種民天
騰勝梵度寶奕常融天皆云如是甚深因緣

得轉勝地無礙之處得道之真復有色界天子十八天王越行天帝王子濛翳天帝王子和陽天帝王子恭華天帝王子宗飄天帝王子皇茹天帝王子堂曜天帝王子瑞靖天帝王子恭慶天帝王子極瑤天帝王子孔昇天帝王子皇崖天帝王子極風天帝王子孝芒天帝王子翁重天帝王子江由天帝王子阮樂天帝王子壽哲天帝王子如是國王併其臣子及以國人來至我我所我即為其隨時演說真道上力是國恭敬作無礙法作大法體不可思議聞是妙事心生歡喜嘆未曾有得此善果甚為希有得清靜緣水雜聲色無復煩惱轉不退輪永無生死成大具足是真微妙不可具陳復有欲界六天帝王子俱來稱揚如是大不可思議功德實難會遇皇會天帝王子玉完天帝王子何童天帝王子平育天帝王子文舉天帝王子摩夷天帝王子如是等天帝王子諸臣太子其國人民多不具足無量苦惱沈浪生死愛憎別離怨家惡殺不可思議有至心者聞道所在不計遠近我

今為說十二因緣咸使回向同生真境及度諸國隨緣高下次第令悟如是眷屬即受正果俱不退轉悉得安樂群臣吏民普得無礙法同入正真會登清靜智慧門發無上心起安樂道場我說諸法常以勸誘今諸世間漸入正宗皆得道果而說偈曰

是法光明最妙經典若見在世及未來世在在處處城邑聚落山澤空處若王宮宅順是經典所流布處我當此處大威力神往至彼所隨逐擁護說是法者普令成就

洞玄經靈符

上清境洞玄經

上清境元陽經第二
爾時諸天聖眾諸天大神無量至真大神心生歡喜得聞

天尊如是廣為大眾演說次第修行具足成就就是作無量無邊廣大福田為諸眾生作命根本若能善調理性命自生和暢保全肌膚隨時方便精修行業於其田中常得甘雨灌注年年豐熟無有損傷是大利益不可思議普使群生皆受濟度成就如是以此自在威猛精進既聞法已竟即於此經中復起清靜心起自然心起無畏心起慈悲心尊重修行復得聞此諸國外道聞得受記亦皆受記最大因緣是無量果得如是事心開意發悉皆明了身得廣大天而無邊際大周法界無有窮盡三十二相徧滿虛空八十種好門門利益示有示無或隱或顯無量甚深微妙無為上力不勝歡喜如此所說為善方藥能救諸苦方便濟人善識病源深淺對證用藥乃知四大增損常發大慈悲愍眾生故令同得歸依以教諸眾生演說大智慧欲使一切眾生